

17 июнь 1938 ар № 54 (518)

8-тй АРЗЭ ПОТЭ.

Дуныз: толэзылы 50 коп.

1 номерэзлэн дуныз 5 коп.

Быдэс дуннеысь пролетар'ёс, огазеяське!

# УДАРНИК

ВКП(б)-лэн М-Пурга Райкомез-

лэн но Райисполкомлэн

органы

—(АДРЕС: М-Пурга УАССР)—

## Шудо, шулдыр улонэз возьмат'ёсь праздник

12 июне „Гырон быдтон“ народной праздникез ортчтыны М-Пургала лыд'янтэм трос калык люкаськиз, Колхоз'ёсысь, совхоз'ёсысь, МТС-ёсысь, предприятиосысь, пöртэм организациосысь но учреждениосысь стахановец'ёс но умой ужасьёс лыктызы.

Площадь вылын радэн флаг'ёсын, сад'ёсын котыртэм автомашинаос султэмын. Лыктысь колхозник'ёсты пумитаса, РДК-лэн балконаз музыка шулдыр гурез шулэ.

Площадь калыкен тырмемын. „Гырон быдтон“ праздник митингысен кутске. Митингын Удмуртской АССР-лэн Верховной Советаз депутатэ кандидат'ёс Г. Г. Деветяров, П. Н. Кабанов, В. К. Тронин, Е. Т. Симакова эш'ёс, колхозник'ёс но кохозницаос вераськызы. Митингын выступат карем эш'ёс, „Гырон быдтон“ праздникез азинскон'ёсын пумитам сярысь но соин чош ик тырмымтэ уж'ёсты быдэстон но РСФСР-лэн но Удмуртской АССР-лэн Верховной Совет'ёсазы быр'ён'ёсты виль вормон'ёсын пумитан сярысь веразы.

Митинг ортчем бере премировать карон вал. Колхоз'ёсысь, совхоз'ёсысь, МТС-ёсысь, предприятиосысь, учреждениосысь стахановец'ёс, умой ужасьёс ваньмыз ог 250 адыми премировать каремын. 8 сюрс манетылы пöртэм кулэ вуз'ёс сёт'ямын.

Та нунал ноку вунонтэм шулдыр ортчиз. Бусыын возь вилэ люкаськем калык жутскем мылкыдэн вал'ёсты чошатэмез учке. „Юж Пурга“, „Дружный“ но мукет колхоз'ёслэн ваем вал'ёсы чылкытэсь, шунды шорын чияса уло. Ваньмыз ипподромын 15 вал'ёс чошатэмез вал. Нырысь инты „Юж Пурга“ колхозысь „Иридий“ но „Доля босяка“ вал'ёс басьтызы. Соос 1,5 км. расстояниез 2 м. 58 с. куспын ортчизы. Ог кадь ванышен та вал'ёс синмаськымон вортто. Тужгес ик синмаськымон вортто „Юж Пурга“ колхозысь „Босяк“ но „Прайма“ молодняк'ёс.

„Юж Пурга“ колхозын вал'ёс бадзым сямаськонэн котыртэмын. Судон но уялтон умой организовать каремын. Та бордын Соловьев В. И. сяммысь ужа.

Та сяна вал'ёсын тэтчытса чошатскон, пöртэм физкультурной соревнованиос но шудон'ёс ортчытэмын.

„Гырон быдтон“ народной праздник трудяшöйёслэсь шудо но шулдыр улонэз возьматэ. Со азыланэз виль вормон'ёс понна нюр'яськонэз уката юн мобилизовать каре.

## Осоавиахим уж уг вошт'ёськы

Осоавиахимлэн райсоветэзлэн азыл предсидателез Суров вань ужез уюшаткытэ. Али Осоавиахим ужез куматон вылысь конкретной ужрад'ёс кутэмын луыны кулэ вал. Нош со уг адскы.

Осоавиахимлэсь 12-тй лоторейной билет'ёссэ реализовать каронлэн срокез 19 июнэз. Нош туннэ нуналозь 7000 манет интые 3528 манетэз гинэ реализовать каремын.

Кинды билет'ёс реализовать карыны сётэмын, соос тросэз коньдонзэс но, билет'ёссэс но уг берыкто. Билет'ёс яке коньдон али ик берыктэмын луыны кулэ.

## Удмуртской АССР-лэн Верховной Советаз депутатэ асьмелэн кандидат'ёсмы



Евдокия Тимофеевна Симакова эш—К-Демьянской сельсоветысь, „Виль гурт“ колхозысь етйнлэсь виль урожайзэ басьтон звенолэн кивалт'ёсез. Бурановской избирательной округ'я баллотироваться карыське.



Василий Константинович Тронин эш—„Удмуртская правда“ газетлэн редакторезлэсь обязанностьёссэ исполнять карысь. Аксакшурской избирательной округ'я баллотироваться карыське.



Павел Никитич Кабанов эш—М-Пургинской райисполкомлэн председателез. Ильинской избирательной округ'я баллотироваться карыське.



Гизатулла Гатауллиович Деветяров эш—„Янгалиф“ колхозлэн председателез. М-Пургинской избирательной округ'я баллотироваться карыське.

## Деветяров эш калыклэсь доверизэ оправдать кароз

Сталинской Конституция ужаны, дышетскыны, шутэтскыны но пересыем бере юрттат сётыны право сёт'ыз. Таچه правоез асьмеос адзиськом асьме шудо странаысьтымы гинэ, кытын всенародной Сталинской Конституция существовать каре.

Октябрьской Социалистической революция пеймытын ульсь крестьян'ёслы паськыт сюрес усьтыз. Азыло бырийськон'ёсын узыр мурт'ёс гинэ участвовать карылызы, узыр мурт'ёсты гинэ бырийлызы.

Мон, Буденныйлэн нимыныз нимама колхозысь колхозник Александр Евдоким, таچه шудо но шулдыр улонэз али гинэ адзисько.

Миллям М-Пургинской избирательной округе „Янгалиф“ колхозлэн председателез Деветяров эш выдвинуть каремын. Мон Деветяров эшез пичи дырысеныз тодысько.

Ми, Деветяров эшен Куртчумской лесопунктын чош ужамы. Мон соослэн старшойзы вал. Деветяров эш лесопунктын вань мылкыдзэ сёт'ыса ужас. Мар ужаны косыськод, со котьку, котькинлэсь азыло ужзэ быдэс'я вал.

Деветяров эшез Удмуртской АССР-лэн Верховной Советаз депутатэ кандидатэн выдвинуть каремысьтызы мон туж шум пот'ысь-

ко. Деветяров азыланэз но юн нюр'яськоз троцкистско-бухаринской последыш'ёслэсь выжызэс быдтонэн.

Деветяров эшлэн кивалтэмез'я „Янгалиф“ колхоз большевистской, колхозник'ёслэн улонзы культурной, зажиточной луиз. Мон оскисько, быр'ён'ёслэн нуналазы милиям избирательной участокусь вань избирательёс, одыгы но кылытэк асьсэ голоссэс Деветяров эш понна сёт'озы.

М-Пургинской сельсоветысь, Буденныйлэн нимыныз нимама колхозысь колхозник Александр Евдоким.



## „Дыр сюрем'я“ но бумага пыр кивалтэмлэн результат'ёсыз

Та вакыт, тужгес ик РСФСР-лэн но Удмуртской АССР-лэн Верховной Совет'ёсазы быр'ён'ёслы дасяськон дыр'я, неграмотнойёсты дышетонэн бадзымесь уж'ёс сыло. Кызы нош асьме районын та уж'ёс быдэ'ясько?

Районамы туннэ нуналлы 3122 адями неграмотнойёс но 1892 адями малограмотнойёс лыд'ясько. Дышетсконэн охватить каремын 227 адями неграмотнойёс, 182 адями малограмотнойёс.

Та лыдпус'ёс, мбйюсты дышетон ужен колхоз'ёслэн, сельсовет'ёслэн но районной организациослэн, тужгес ик РайОНО-лэн кивалт'ёссылсье но кызы чидантэм ляб кивалтэмзэс возматэ.

Аксакурской сельсоветын 384 адями неграмотнойёс, 173 адями малограмотнойёс, М-Пургинской сельсоветын 366 неграмотнойёс, 212 адями малограмотнойёс лыд'ясько. Дышетсконэн нош одйг мурт но охватить каремын өвёл. Талэсь пёртэм өвёл мбйюсты дышетон уж мукет сельсовет'ёсын но.

Тани Пытсамской сельсоветысь колхоз'ёсын „Красный факел“ колхозын сяна, одйгаз но дышетскон организовать каремын өвёл. „Красный факел“ колхозлэсь мбйюсты дышетонэн умой опыт'ёсэс басьтыны луэ вал.

Та колхозын 45 неграмотнойёс но 20 мурт малограмотнойёс дышетско. Со сяна, 9 мурт неграмотнойёс малограмотное но 14 мурт малограмотнойёс дышетыса выпускить каремын. М. Федорова, В. Ковалова но мукет'ёсыз гож'яськыны но лыдзискыны кокак уг быгато вал. Али соос валамон гож'яськыны но умой лыдзискыны дышызы ни.

Культармеец Шишкина эш, кбняке коркаосысь колхозник'ёсын группаос кылдытыса дышетсконэз организовать карыны быгатыз. Соиз гинэ урод, сельсовет мбйюсты дышетонлы чик уг юртты, умой ужан опыт'ёсэс реализовать уг кары.

Районамы неграмотнойёсты но малограмотнойёсты дышетонлэн куашкамыс та ужен конкретно кивалтэмтэн, ога вераськон'ёсын буйгаткыса улэмен луо. Тани М-Пургинской сельсоветын 366 мурт неграмотнойёс лыд'ясько. Нош соос оgez но уг дышетско. Татын, райцентрлэн сельсоветаз культурной кужым мукет сельсовет'ёсынлэсь трос. Озы но ваньзэ неграмотнойёсты дышетон сярысь малпаскысь, та ужен организовать карысь өвёл.

Басьтом Ильинск сельсоветэз. Татын НСШ, МТС вань. Неграмотнойёсты дышетонэз умой организовать карыны кужым тырмыт. Нош дышетско ваньмыз 17 адями неграмотнойёс но 13 адями малограмотнойёс.

Учительёс та ужен уг кивалто. Ильинской НСШ-ысь учитель Меньшиков, сельсоветын ответственноен но старшой методистэн юматэмьн вал. Со нош номер уж но уг лэсьты. Культармеец'ёслы методической указаниос уг сёты, соосын уг кивалты. РайОНО нош чурит ужрад кутэм интые, Меньшиковлэсь бездействовать каремзэ наблюдать но фиксировать карса улэ.

Сундуковской начальной школысь учитель Климов, таце амалын мбйюсты дышетонэз организовать карыны малпа: со нуналэ, ку занятые ортчитоно бригадир'ёслы неграмотнойёсты но малограмотнойёсты люкано шуыса ивортэ. Бри-

гадир'ёс нош одйг муртлы но уг ивортэ. Климов нош вань ужзэ бригадир'ёслы ивортыса гинэ быдтэ. Неграмотнойёслы ивортэ-а уг-а бригадир'ёс, сое со уг эскеры. Назначить карем часэ школае, жок съёры пуксе, учебник'ёсэз аяз тыре но „мон дась, лыктызы ке дышето, өз ке лыктэ мынам уже өвёл со“—шуэ.

Таце чиновнической методэн, асэ бадзым начальникен лыд'яса, черновой ужлэсь палэнскыса, мбйюсты дышетонэз нокуно умой удпукты. Со неграмотной мурт'ёслэн доразы мыныса вераськыны, дышетсконлэсь кулээ валэктны кышка. Колхозысь активез мобилизовать карытэк распоряжениос гинэ сёт'яса улэ.

П-Можгинской сельсоветысь „1-й май“ колхозлэн председателез Баранов, мбйюсты дышетонэз ачиз куашкатыны тырше. Собраниосын но колхозник'ёс пöлын мбйюсты дышетон ужен организовать карон сярысь вераськон дыр'я, со „мынам кышное уз дышетскы“ шуса вераське. Нош солэн кышное малограмотной. Таце факт'ёс öжыт өвёл.

Неграмотнойёсты но малограмотнойёсты дышетонын умой культурмеец'ёсты подобрать карон но соосын нуналысь нуналэ ужан, соослы юртон бадзым инты басьтэ.

РайОНО-лэн сведениез'я ваньмыз 117 мурт культурмеец'ёс лыд'ясько. Нош кин'ёс, кыче адямиос соос, сое нокин но тодысь өвёл. Тросэз культурмеец'ёс малограмотной яке производствон урод ужась мурт'ёс пöлысь вис'ямын. Веранэз өвёл, сыче авторитетнойтэм мурт'ёс дышетонэз умой организовать карыны уг быгато.

Штатной культурмеец'ёс каждой сельсоветын луыны кулэ вал. Кемалась ик өвёл 13 штатной культурмеец'ёс вал. Али 3 гинэ кылемын, мукет'ёсыз кошкылызы. Штатной культурмеец'ёсы умой комсомолец'ёсты, колхозник'ёсты пуктылыны кулэ вал. Нош соос тросэз коньдон басьтыса, ужатэк гинэ улылызы.

Куд-огез штатной культурмеец'ёс сюлмысь ужаны кутскылызы ке но, сельсовет'ёс но кыче юрттэт сётимтэн кошкылоно луызы.

РайОНО-лы но ВЛКСМ-лэн Райкомезлы культурмеец'ёсты умой комсомолец'ёсты но колхозник'ёсты вис'янэн али ик ужрад кутано.

Жоген призыв кутскоз. Нош асьме районьсь допризывник'ёс пöлысь тросэз неграмотнойёс но малограмотнойёс. Соосы дышетон уг мыны.

РайОНО райцентре дышетскыны öтыса каждойезлы ог 30 мында извещение ыстылыз. Трос пёртэм распоряжениос, приказ'ёс вань. Ваньмыз со бумажной волокиталы гинэ пөрме. Уж вылын номер уг лэсьтыськы.

РайОНО-лэн заведующийез Мерзляков мбйюсты дышетон ужен „дырыз сюрем'я“ гинэ заниматься карыське. Тини сыче кивалтэмлэн результат'ёсыз.

Азыланыз таце уж но кызы чидантэм. РайОНО-ын ужасьёслы бумажной волокитаеэз быдтоно но ужен конкретно кивалто.

Райисполкомлэн президиумез но ВКП(б)-лэн Райкомез та сярысь асьтэлэсь чурит кулээс вералозы шуыса огкыськом.

Гр. Чувашев.

## Агитация удмурт кылын уг нуиськы

„Известия“ газет аслаз передово-яз гожты йз, что Ижевск городын родной языкен агитация уг нуиськы. Талэсь пёртэм ик өвёл уж асьме районьсь но куд-ог интыосын.

Басьтом С-Кечевской избирательной участокез. Татын, удмурт калык пöлын родной языкен агитация уг нуиськы. Колхозной, бригадной собраниосын, беседаос ортчыт'яку, удмурт'ёс но зуч кылын валэкто, кылсярысь, Аксакурской избирательной округлэн председателез Бечегов но мукет'ёсыз. Нош удмурт калык аслаз родной кылыныз валэктыса умой валано луысал.

С-Кечевской участокын лозунг'ёс пöлысь (нош соос ваньмыз 3 гинэ) одйгез но удмурт кылыныз өвёл.

Вузкарысь организациос быр'ён'ёслы дасяськонлэсь кокак палэнын сыло. С-Кечево гуртын 4 магазин'ёс. Татысь одйг магазиньсь но быр'ён'ёс сярысь литература шедьтыны уг луы. РСФСР-лэн но Удмуртской АССР-лэн Верховной Совет'ёсазы быр'ён'ёс сярысь Положениосын брошюраос удмурт но, зуч кылын но одйг но өвёл. Избира-

тельёс нош трос ветло магазинэ быр'ён'ёс сярысь Положениосы басьтыны юаса.

Магазин'ёс: пушкын но соослэн кыр пал'ёссы немаин но уг возматэ быр'ён'ёслы дасяськонэз. Лозунг'ёс, плакат'ёс одйг но өвёл.

Сельсовет РСФСР-лэн но Удмуртской АССР-лэн Верховной Совет'ёсазы быр'ён'ёслы дасяськон уж'ёсын ляб кивалтэ. Сельсоветын виль ивор'ёсты возмат'яса пул вань, нош отын вуж, май, апрель толээзёсы лякылэм ивор'ёс уло.

Быдэс С-Кечево гуртын, РСФСР-лэн Верховной Советаз депутатэ кандидатэн А. В. Соловьев эшлэн но Удмуртской АССР-лэн Верховной Советаз депутатэ кандидатлэн В. К. Тронин эшлэн биографиосы 3-4 гинэ адсконо азын лякемын. Биографиос кесяськыса но мар быремын.

Участковой избирательной комиссией председателезлэн заместителез М. И. Стерхова дорын тросэз печатать карем биографиос костаськыса уло.

ИЗБИРАТЕЛЬ.

## Избирательной участокын трос тырмытэ уж'ёс

Кема ик өвёл ни, РСФСР-лэн но Удмуртской АССР-лэн Верховной Совет'ёсазы быр'ён'ёслэн нуналзы. 26 июне асьме районьсь ваньмыз ик трудяшойёс, асьсэлэн участок'ёсазы мыныса, асьсэ голоссэс трудяшой калыклэн верной пиосыз но ныл'ёсыз понна сётэ.

Избирательной участок'ёсын культурно-массовой уж умой организовать каремын луыны кулэ, асьсэ участок'ёсысь избирательёс, голосовать карытэк оgez но медаз кыль. Асьме районын тросэз избирательной участок'ёсын культурно-массовой уж умой организовать каремын өвёл на, участокын но мукет интыосын кандидат'ёс понна агитация урод организовать каремын.

Миндеровской избирательной участокын избирательёс пöлын кандидат понна агитация ляб пуктэмьн, та участокысь Миндерев гуртын ваньмыз 279 избирательёс, нош кружоке 8 мурт гинэ кыскемын. Вис'ям агитатор'ёс асьсэлэсь ответственностьсэс шöдытэк ужалыны, соослэн участокысьтызы домохозяйкаос депутатэз выдвинуть карем'ёсты но быр'ён'ёслэсь нуналэз уг тодс.

## С-Кечевской МТС-ысь азымынись ужасьёс

Средне-Кечевской МТС-ын тракторист'ёс но озы ик быдэс тракторной бригадаос тулыс кизён, паргырон уж'ёсын нормазэс мултэсэн быдэс'яло.

Н. Русаевлэн бригадаез арлы тупатэм планзэ 54 процентлы быдэстиз. Тулыс ю кизён уж'ёсын тупатэм планзэ 122 процентлы, паргыронэн—135 процентлы быдэстиз.

Русаев эш ужзэ яратэ, со тракторной бригадын трудэз умой организовать карыны быгатыз. Аслаз бригадасытыз тракторист'ёсызлы котьку со кулэ юрттэт сётэ, ужаны дышетэ.

Тани солэн бригадасытыз тракторист'ёс М. Фролов, Н. Соприн но мукет'ёсыз одйг смена куспын 7-8 гектар гырыло.

Умой ужамзы понна Русаев но мукет'ёсыз трос пол премировать каремын ни.

Ивакин эшлэн но бригадаез умой ужа, Арлы тупатэм планзэ 49 про-

центлы быдэстэмьн, Ложкинлэн бригадаез—48 процентлы. Та бригадасысь тракторист'ёс вань тракторист'ёслы ужаны образец'ёс возматэ, планзэс быдэстон понна юн нюр'ясько.

Таин чош ик урод ужасьёсыз но вань. Кылсярысь, Андреевлэн тракторной бригадасытыз тракторист'ёс нормазэс уг быдэс'яло. Соос пöлын дисциплина куашкамын, азытэм'яськыса ужало.

Бере кылись тракторист'ёслы азымынись тракторист'ёслэсь опытсэс басьтыса ужано. ИВЩИН.

ФАДЕЕВ.

Редактор—Г. М. ИВАНОВ.  
Потт'я Райисполком

## ЗЭМЕН ЛЫД'ЯНО ОВОЛ

Михаил Константинович Байбатовлэсь Сарапульской военкоматэн сётэм военной билетсэ.

Нил Емельянович Сергеевкыдэсь Ижевской военкоматэн сётэм военной билетсэ.